

Caballers d'Exea

XCAR Malavida

EDIZIÓ
ESPEZIAL EN
ARAGONÉS

REMIRO II

MONCHE QUE
SE CONCARÓ
CON O PAPA

O rei de a campana



NAVARRA

Sos de o Rei Catolico ●
1117-1134 Tornata a ra vida monacal
1137 Viache a ras Zinco Villas

Sadaba ●
Uncastello ●
1136 Rebelión en Uncastello

Exeya de os Caballers ●
1143 Batalla d'Exeya
cuenta Garzía Remírez

● Tauste

Alagón ●
1136 Pauto entre Ramiro e Alifonso de Castiella
1138 Fuero de Tauste
● Zaragoza
1134 Alifonso VII en Zaragoza

● Espital Santa Cristina de Somport
1093 Entregato a ra vida monacal

1086
Naxedura ●
1134 Aszensión ta o trono
1135 O Casorio
● Chaca

Monesterio San Chuan de a Peña
1092 A promesa

Nozito ●
1143-1147 Vesita a o rei en Nozito

Uesca ●
1135 A campana de Uesca
1136 Naxedura de Petronila
1152 Naxedura de o ereu
1157 Cumpleaños deo rei
1157 Muerte de Ramiro

ARAGÓN

Roda de Isabena ●
1134 Confirmación de
a muerte de Alifonso

● Balbastro
1137 Esponsalizios

Monzón ●
1110 A retrobata

1134 Un nuevo rei ●
Pauto con os musulmans

— Buega entre I 1135 e V 1135

— Buega autual

Tratato de Vadoluengo de chinero de 1135





A crisis territorial de 1135

© 2019, Caballers d'Exea.

Toz os Dreitos Reservatos.

Ideya orichinal, produzi3n e coordinaci3n: Caballers d'Exea.

Asesoramiento istorico: Agust3n Ubieto Arteta.

Ilustrazi3ns: XCar Malavida.

Adautazi3n de Testos: Ana Bel3n Arbu3s Ramos.

Investigazi3n e documentazi3n: Sergio Miguel Long3s y Jorge A. Garc3a Miana.


Traduzi3n a l'aragon3s: Mauricio Delgado Marco.

Dep3sito Legal: Z 1865-2019

ISBN: 978-84-09-15770-9

Imprentazi3n: Tipol3nea (Grupo Edelvives).

Primera edizi3n: aviento de 2019.



No se permite a reproduzi3n total u parzial de iste libro, ni a suya incorporazi3n a un sistema informatico, ni a suya transmisi3n en cualesquier forma u por cualesquier meyo, seiga iste dominio, mecanico, por fotofuella, por grabazi3n u otros metodos, sin o permiso previo e por escrito.

REMIRO II ^OMONCHE QUE
SE CONCARÓ PAPA

O rei de a campana

Presentación

Agustín Ubieta Arteta

Esisten en Istoria topicos inamobibles por más que treballos niquitosos los aigan desmuntato; as novedaz talladoras de mitos tardan muitos zinquenios en plegar en as aulas escolars u mesmo no i plegan nunca. Asinas ye como de o personache de iste bio-cuento nos ye plegato a suya imachen de ombre pispallo que remató estando rei cuan yera estato educato ta estar monche. Pero a reyalidat ye que consiguió salvar a Aragón e trasmitir-lo-nos.

A mala fama de Remiro solo que podeba venir de belún con gran poder en ixo momento istorico: Roma. De qué coda? Porque Remiro, por un costato, no fazió caso a que se fese efeutiva ra ideya de o suyo chirmano Alifonso de dixer o Reino a ras Ordens Melitars, u seiga, a o Paña; por atro cabo, porque encara estando un monche s'acomodó buscando un ereu transmisor de a corona. Dos endominias ta l'orden relichioso establito.

No li faltoron a Roma palmers en a mesa de chuego: o castellano Alifonso VII, o Emperator; o nabarro Garzía Remírez; o barzelonés Ramón Berenguer IV; os almorabides; bels “tenentes” tallando a paz con os moros; e bel buscavidas como a vizcondesa Talesa. Toz cara ta un monche ilustrato.



Remiro, navesó ro reino buscando incorporacions e dimpués de aconseguir-las estió proclamato rei en Chaca. Por atro costato, os churistas fazioron o millor de si rechirando en o Dreito aragonés os alavez lechitimadors de as difizils dezisions por venir. Con determinación insospeitata, o monche estió marrando con cadagún de os chugadors problemas que teneban que veyer con o pasato, con o presén e con o futuro.

Nabarra s'independizó sí, pero quedó afogata entre Castiella e Aragón ta ra resta de a Edat Meya. Remiro II remató iste quefer fixando muito lugo (1135) a complicata buega con Nabarra, alto u baxo igual como la conoxemos uei; primera gran deuda de os aragoneses con el. En o tocante a Alifonso VII, pretendién lechitimo, anque lexano, a o erenzio de o Batallero, s'apoderó de o "Regnum Caesaraugustanum" e de a suya capetal, Zaragoza (1134-1136), a ra que salvó de os almorabides. Dimpués de dos años de pleitos, Remiro aconsiguió siñar con o castellano un alcuerdo (Alagón, agosto de 1136) por o que as terras que ganase o Batallero serban aragonesas, fueras de a Estremadura soriana. Segunda deuda con o monche e nueva buega estable en sieglos.

Atro problema yera a suya azeitación como rei por parti de a Ilesia por a suya condizi3n eclesial. A demanda de os barons aragoneses fazió una chugata con risque: albandonar estar monche t'acomodar-se e tener fillos. Lo fazió en 1135, con una vidua que li dio un filla. P3ker. Os churistas aragoneses, pistonudos. O rei fazió un casorio churidicam3n valido fuera de a norma canonica porque bi abió "entrega de arras"; a chuni3n canonica, cheneralm3n posterior, se ferá dimpués de a "bendizi3n de os aniellos". Por atra parti, en o sieglo XII, o casorio de un relicioso no yera lizito, pero tampoco no se consideraba nulo, de manera que canonicam3n o matrimonio de Remiro podeba estar ilizito, pero bueno e, por tanto, tami3n o fruito de a chuni3n. A reazi3n de a Santa Sede, ama de o casino an se feba ra partita, esti3 tremenda pero tardana no declarando a nulidat de o enlace dica o III Conzilio de Letrán de 1139. Ta ixte inte, Petronila ya yera

acomodata en 1137 con o conde-chugador catalán e os suyos pais, esburziatos (chinero de 1139). Repóker. Antimás de monche, rei e esburziato ya yera tamién suegro. De pistón!

O presén li fazió un terzer e grieu problema, a talladura de a increíble paz feita con os almorabides. Una colleta de “siñors” enristió a una caravana musulmana truxando a paz; ta satisfacer a o mainate musulmán fazió achustiziar a os responsables en o que conoxemos como a “Campana de Uesca”. En o sieglo XIII, iste auto chustiziero s’eba feito en una canta de chesta; dimpués, dica uei, ye estata considerata como una teyatral leyenda, pero ro zierito ye que existen datos de que podió estar de verdat.

A penar de enguiliar tantas manos difizils en totas as partidas, entre ellas, salvar a o reino de a suya desaparixión, a Remiro II, o Monche, a istoria no li ha feito chustizia e os aragoneses tampoco. A terrible propaganda en contras d’el podió más.

Ye un presén que veiga ra luz ista documentata istoria feita por Caballeros de Exea, que antimás asumen a suya publicazió, un presén que s’empondera con a redazió (amena, dautica e fidel a ra istoria) de Ana Belén Arbués e con os debuxos (sobrebuenos teunicamén e intinzionatos) de XCAR Malavida, que ha aconseguito fer replecable o que en reyalidat abió de pasar-bi, una coseta parellana a una gran partida de póker. Toz merexen personalmén o nuestro agradeximiento; de yo, profes. Os nuestros mozez e os que no son tanto son de norabuena.



Agradeximientos

A tu, en primer puesto, porque grazias a o tuyo compromís con a tuya istoria e cultura, uei podemos presentar o nuestro segundo bio-cuento sobre Remiro II, o Monche, que ya tiens entre as manos. Isto no poderba estar posible sin o tuyo compromís, e la de muitos otros, por o nuestro primer treballo *Rei de Reis, Alifonso I, o rei Batallero*.

Agradexemos a ras librerías de toz os cabos d’Aragón, Soria, Navarra, A Rioxa e País Basco por aber amostrato o nuestro treballo en os suyos repalmars. Tamién a os colechios e estetutos que han determinato de ficar a nuestra publicazió en as aulas e bibliotecas. Espezialmén a los que l’han feito como leutura recomendada: “Emilio Gimeno” de Calatayú; “IES Cinco Villas”, “Ferrer y Racaj” de Exeya de os Caballers; “CRA Los Bañales”; “CRA Fuendejalón”; “Salesianos” de Uesca; “CEIP Agustina de Aragón”, “IES Miguel Servet”, “IES El Portillo” e “CEIP La Almozara”, de Zaragoza.

Asinas mesmo, agradexemos o refirme de o Conzello d’Exeya de os Caballers, de Biel e a Comarca de as Zinco Villas por encluyir-lo como presén protocolario; a ra Deputazió Provincial de Zaragoza, Deputazió Provincial de Uesca e a Deputazió Provincial de Soria, ista zaguera establindo en toz os suyos conzellos como leutura importán sobre o establidor de a Soria actual.


No queremos olvidar-nos de qui nos dio voz en os medios de comunicazió, fendo luz a iste proyeuto sobre a istoria d’Aragón: Inmaculada Otal (Aragón TV – Aragón en Abierto), Sagrario Saiz (TVE Aragón), Ana Segura (Aragón Radio), Ana García Cortés (Cadena SER Zinco Villas), Luz Morcillo (Radio Comarca de Daroca), César Gómez e Chusebi Sagarra (Radio 4G Aragón), Mariano García (Heraldo de Aragón), Daniel Montserrat (El Periódico de Aragón), Jorge Naya (Diario del Altoaragón). Demandamos as nuestras desincusas si nos emos dixato a belún.

Menzió espezial ta ra nuestra amiga Marisa Azuara, por a suya colaborazió con o nuestro proyeuto.

Toz els han aduyato de buen implaz a que Rei de Reis se conoxese e a que se valurase o nuestro treballo, con o que nos a empentato a ista segunda aventura de espardidura de a nuestra istoria d’Aragón, con ista edizió sobre Remiro II, que asperamos que merexca tamién a favor de o profesorado, bibliotecarios, medios de comunicazió e estituzions publicas.







1086 Naxenzia

En metat de a primavera, en un puesto exconoxito de o pirineu aragonés, en rayar l'alba de o día 24 de abril, yera naxito un niño que se clamarba Remiro. O suyo nombre estiό trigato en onor a o suyo lolo paterno, que yera estato o rei Remiro I d'Aragón.

Tanto su mai –a reina Felizia de Roucy- como su pai –o rei Sancho Remírez- también conoxito como Sancho I d'Aragón e V de Pamplona, yeran goyosos a rebutir por tan feliz naxenzia. Antimás, estiό un empentón sobrebueno a ra pena que portiaban dende a rezién muerte de o suyo fillo Fernando.

-Olá!, nunzió tía Sancha-. Miá, Remiro, vienen a conoxer-te os tuyos chirmanos Pietro e Alifonso.

-Qué chirmano más majo, mai! –esclamó Alifonso.

O ninón se rebelló de tanto guirigai e pretó a plorar baxo a uellata fita de toz os que yeran en a cambra.

-Alifonso, l'has dispierto. De seguras tendrá fame –adibió su pai, o rei.

E toz pretoron a arreguir-se-ne por a impazenzia de o rezién naxito.







1092 A Promesa

O tempo pasaba de vez que Remiro medraba con una vida goyosa en palazio.

A lo que cumplió 6 años marchó con su pai e os suyos dos chirmanos grans ta o Reyal Monesterio de San Chuan de a Peña ta fer una promesa.

-Fillo mío, iste ye o Vaso Sagrato, -li dizió o rei a o suyo fillo chiquet-. Prometié a mi pai, o rei Remiro I, cosirar-lo con a mía vida, si estase menister. Uei, de a mesma forma que lo fazioron os tuyos chirmanos Pietro, Alifonso e Ferrando, que ya no ye entre nusatros, churarás cosirar-lo e esfender-lo, igual como fillo que yes de o rei d'Aragón e Pamplona.

-Si, pai. Churo cosirar-lo e esfender-lo –afirmó o chiquet.

Manimenos, teneba rebisolería por conoxer o misterio de ixe churamento.

-Pai, por qué bi ye iste Vaso? –preguntó con rebisolería Remiro.

-Te fas memoria de a istoria que te raconta a tuya tía Sancha cuan no puedes dormir de nueis?


-Profes, pai. Ye ixa de aquel relichioso que lo encorrioron por orden de o emperator de Roma ta fer-se con o Vaso Sagrato. Ta pribar de que plegase en malas manos, o diacono lo levó ta Uesca ta que lo cosirasen e, más tardi, abió de trayer-lo ta ista tierra de montañas por a invasión de os musulmans.*

-Clavau! –confirmó o rei-. Por ixo ye tan importán o churamento que has feito.

*diacono: clerigo de grau inferior a o de o mosen.







1093 Entregato a ra vida monacal

O rei Sancho Remírez determinó de que Remiro tenese una vida eclesiastica. Su mai, a reina Felizia, ensistió en que tamién li amostrasen aintro de o monesterio, os regles de os caballers. Asinas, o 3 de mayo de 1093, cuan Remiro teneba siete años rezién escudillatos, marchaba luen de tierras aragonesas cara ta o Monesterio de Sant Ponç de Tomièiras, zerca de Narbona, en tierras oczitanas que enguán son en o surueste de Franzia.

En estar un infán tan choven, su pai querió fer-li compañía dica ra buega de o Somport, an o Camino Aragonés se chuniba con a Vía Tolosana. Ista posizión estió trigata como ro punto meyo en o que Remiro serba entregato a l'abate Frotardo.

Iste puesto li cuacaba a o rei d'Aragón e Pamplona. S'estaba fendo un espital ta cudiar e cubillar a os pelegrinos que i pasaban enta o camino de Santiago de Compostela.


O debandito espital, seguntes ra leyenda, estió obra de dos caballers que iban a fer un chiquet asilo. A lo que yeran determinando de án lo iban a fer lis se posó una paloma blanca soxetando una cruz de oro en o suyo pico. No podeban alpartar a uellata de ixa au dica dixó cayer a cruz. Allora, determinaron de que o puesto an cayó a cruz yera o puesto trigato por Dios ta fer una ilesia.

Ista singular istoria s'espardió por muitos puestos, grazias a ra gran cantidat de pelegrinos que dixaban o suyo bayo por ixo paso. De ista traza, os caballers replegoron numbrosas donazions que lis permitieron devantar una construzión muito más gran que un simple cubillar.

Por ixo, uei podemos trobar-bi, en o emplema de o espital, una paloma blanca con una cruz dorata en o suyo pico.







1099 En Sant Ponç de Tomièiras

Con treze años e ya feito a o reglamento e costumbres de a vida de o monesterio, anque encara con asabelo de pena por a perda de su pai fa bels años, Remiro continaba en o Monesterio de Sant Ponç de Tomièiras, muito luen de toz os que el aimaba.

O infán, considerato como un monche más, yera uno de os millors en o estudeo de a gramatica e de os testos antigos, asinas como ro suyo buen treballo en os quefers de l'ortal.

-Remiro, las tengo totas de que tu pai, o rei Sancho Remírez, estarba más ueco que pa qué, igual como yo, de tot o que i fas –li puxaba l'abate Frotardo-. Lugo marcharé ta Chaca e li fablaré a tu mai, a reina Felizia, de o tuyo buen fer en o monesterio.


-Poderba fer-li compañía ta veyer a mi mai e a os míos chirmanos? Los trobo asabelo en falta –li suplicó Remiro.

-Lo siento, pero no ye posible. Cal cumplir con as normas de o zentro. Has d'estar uno más e dar exemplo de os regles de o monesterio, pues yes un fillo e chirmano de reis.

Remiro, con una rialleta en a cara, entendió que eba a continuar treballando, asinas que remató con más rasmia a suya faina en l'ortal ta dimpués marchar a replegar o trigo.







1104 Vesita de o bispe Isteban (I)

Pasaban os días, os meses, os años ... Onze años dimpués de prenzipiar a vivir en o Monesterio de Sant Ponç de Tomièiras, Remiro ya en teneba de deziueito años d'edat.

Anque en a suya vida no en teneba de sospresas, un inesperato día li fazioron un grito de que o bispe de Uesca iba a vesitar-lo con urchenzia. O choven Remiro se xorrontó por as notizas que podeba trayer-li o bispe, por ixa vesita tan de sopetón.

-Ola, Remiro – li saludó ro bispe.

-Con qui tengo ro plazer de falar? –li preguntó Remiro estraniato.

-Me dizen Isteban. Soi o bispe de Uesca. I viengo por orden de o tuyo chirmano, o rei Alifonso.

-Cómo? O mio chirmano Alifonso ye agora o rei?

-Profes. Ye o nuevo rei d'Aragón e Pamplona. O rei Pietro levaba muito tiempo plantando prou mal e fenezió de camino enta ra val d'Arán. Ya estió apedecato, a petizi3n propia, en o Monesterio de San Chuan de a Peña.


-E os suyos fillos, Pietro e Inés?

-Os dos fenezioron antis que el. Inés l'año pasato e Pietro iste mesmo año.

A Remiro li punchó o corazón en sentir ixas notizias.







1104 Vesita de o bispe Isteban (II)

Remiro se quedó un breu inte pensaroso. S'interesó por a suya querita mai, a reina Felizia. O bispe li comunicó que plantaba muito bien e asabelo de goyosa, en espezial, por a coronación de o suyo chirmano Alifonso.

Poquet a poquet, a conversa s'esbarró enta atro asunto. O bispe li proposó fer una gambadeta t'atro puesto más tranquilo e reservato, por o que Remiro lo levó dica ra zona de as norias.

En ixé puesto o bispe li esplicó as verdaderas intinzions de a suya vesita.

-Remiro, no has de prener abitos mayors dica que Alifonso tenga deszendenzia –li ordenó Isteban-. Lo entiendes?


-Sí, Eminenzia. He capito a suyas intinzions.

-Si Alifonso fenezese sin deszendenzia, tu serbas o eslexito. Asinas, no olvides o que aquí uei te ordeno.

Con ixas parolas, o bispe Isteban remató a suya trobata con Remiro e marchó ascape ta tierras aragonesas.







1110 A clamata de Alifonso I

Como gran parti de as casas reyalas de a epoca meyebal, nomás tenemos que datos de a persona que, cuasi seguro, serba o ereu de o trono. Por ixo, a informazi3n que se tien sobre o rei Remiro II, o Monche, ye radita.

Manimenos, bi'n ha de referenzias que endican que a ra edat de venticuatro a3os, esti3 clamato por o suyo chirmano Alifonso, que en ixos intes yera enamplando o suyos dominios. No sin raz3n pas3 a ra istoria con a embotada de O Batallero, pero o suyo acomodo con a reina Urraca de Li3n li feba asabelos de trepuzes con nobles e mosens gallegos, lioneses e castellanos.

Por ixo, Alifonso amenistaba a fuego chen de confitanza, ta poder meter-los en os puestos m3s importans de os suyos reinos. Empleg3 a o suyo chirmano Remiro en cualques posizi3ns igual como un pi3n de axedrez en o suyo tablero.

En primer puesto, lev3 a o suyo chirmano Remiro deb3n de a suya presenzia. Ta ixo nimbi3 a caballers de confitanza ta o monesterio con a misi3n de recullir a o monche e fer-lo trayer dica el.

Plegato ro d3a de partir-ne, l'abate Frotardo permanexi3 a o canto de Remiro. Dimpu3s de dezisiete a3os dedicatos a o serviziu de o monesterio, Remiro lo iba a dixar con destino ta tierras aragonesas.


-Que tengas un buen viache! E cumplir con as vuestras obligazi3ns con firmeza e onor! –li encomend3 Frotardo.

-Trobar3 en falta ista familia que uei dixo aqu3 –dizi3 un emozionato Remiro.

-Ala, pues! No faigaz m3s luenga l'aspera a o vuestro chirmano, o rei Alifonso.







1110 A retrobata

Ya feba veinte años dende que os chirmanos s'eban deseparato. Cuan a Remiro lo ninvieron ta o monesterio no yera que un niño de siete años; manimenos, Alifonso ya yera un ombre que de bels veinte años, avezato en batallas e artes de caballers.

As suyas vidas yeran estatas diferens de tot. Alifonso ya yera o nuevo rei de os aragoneses e pamploneses dimpués de a muerte de o suyo chirmano gran Pietro. Por contras, Remiro eba tenito una vida más tranquila, anque no estió fázil pasar a suya infanzia e choventut en tierras lexanas tenendo de cabo cuan notizias de a suya familia e d'Aragón, o suyo puesto de orichen.

Alifonso teneba ya trenta e ueito años e Remiro contaba con venticuatro cuan o destino determinó de que tornasen a trobar-sen. Se reconoxerban?


-Querito chirmano! –esclamó Alifonso en veyer a Remiro-. Me foi memoria de tu como a un chicorrón e agora tiengo debán de yo a tot un ombre de Dios, e mesmo mas altero que yo.


-Si me permite, o mío señor..., dizió Remiro avergoñato e niervuto.

-No te permito que me digas de señor –li curtó raso Alifonso-, sino que te ordeno que me clames chirmano.

-Grazias, Alifonso. Yo m'aluerdo de tu, querito chirmano, leyendo, prauticando a espada e limpiando o tuyo caballo. Toz istos años he alzato ro presén que me faziés cuan en marché, una chicota espada de fusta de buxo. M'ha feito servir ta estar más zerqueta de tu.

De ista forma, os dos chirmanos s'abracoron e lis fazió memoria que as vetas de sangre nunca no se pierden, a tamás de os trepuzes de a vida.





IIII Fuyita de Sahagún

Siguindo as suyas ordens, Remiro se metió asprés a o serviziu de o suyo chirmano Alifonso.

Cuan ya tenió ventizincos años, estando un requerimiento indispensable de os canons eclesiasticos, Remiro estió nombrato abate de o Monesterio de Safagún de Lión, do Alifonso I, o Batallero, feba de rei, por o suyo casario con a reina Urraca.

Un día, igual como un atro, o suyo escribano Miguel se presentó anguniato debán de l'abate Remiro.

-Reverendismo señor, estoi que traigo malas noticias –li dizió Miguel con gran permenadura.

-Esplicar-vos con más detalle.

-Nos plega informazió que ista plaza ye en periglo por os enfrontamientos de o suyo chirmano e a suya muller.

-Señor, señor... ! Se sienten chilos fuertes! S'endrezan enta aquí! –esclamó o escribano tremoloso.

-Ye zierito. Yo tamién puedo sentir-los –confirmó Remiro un poquet alticamato.

-Emos de jopar-ne ascape, señor!

-Miguel, no lis será fázil ubrir a puerta dende difuera –aseguró l'abate Remiro bien calmo.

-En istos intes no sapemos en quí podemos confitar. Cal marchar-ne ya!

Remiro permanexió un breu inte pensaroso entre que se sentiba una mormor cada vegata más zerca.


-O mío señor, salgamos por o secreto de a muralla, no faigamos goleta a ra suarde –li proposó ro escribano.

-Conforme, tiens razón, Miguel. Muntaremos en o mío caballo. Ye fuerte e rapedo ta poder eslampar-ne os dos.

De ista traza estió como joporon chuntos, a lo trapillo, de o Monesterio de Safagún.







1114-1116 A o servizio de o suyo chirmano

En l'año 1114, Remiro estió eslexito bispe de Burgos por o clero e a proposa popular, fren a o candidato pontifizio. Teneba una gran simpatía entre os burgaleses grazias a o suyo buen fer e a ra suya disposizi3n incansable por aduyar a toz.

Pero un par de años más tardi, un nuevo trepuz meterba en periglo ro suyo proclamato mandato, ye que aberba de abandona Burgos por causa de os pautos dimpués de a esfurazi3n de o rei Alifonso e a reina Urraca.

Remiro abi3 de buscar atro puesto de residencia e determin3 de prebar suarde en Pamplona, aunque tami3n en ixe puesto tenerba un atro trepuz. Con trenta e un años esti3 forachitato de ixa villa por o candidato papal Pietro de Librana, pese a os pleitos entre o rei Alifonso e o santo pontifize Pascual.


Canso de tanto ir e tornar, se pens3 en demandar-li a o suyo chirmano l'aprebazi3n de tornar a ra vida de monche. En saper que Alifonso se trobaba en a villa de Sos, zerca de Pamplona, Remiro se bi endrez3 ascape.




Burgos

Pamplona

Sos de
o Rei Catolico





1117-1134 Tornata a ra vida monacal

Dimpués de más de meya chornata plegó en Sos, pero abió d'aguardar a que se nunziase a suya presenzia, dica que o rei Alifonso rematase una runión que teneba en ixos intes con o merino Banzo Fortuñones, que li yera demandando a repoblación de o burgo de Luesia con la construzión de nuevos casals.

En que rematoron, marchoron os dos a rezibir a Remiro, que s'eba quedato rezando en o interior de a ilesia de San Isteban. Alifonso s'adibió a ras orazions de o suyo chirmano e cuan os dos en rematoron salieron difuera ta fer a parola.

-Qué te traye dica ista villa, Remiro? Veigo tristura e alticamadura en a tuya cara.


-Querito chirmano, que no te saba malo o que voi a dizir-te, e que no ye una falta de respeto ni de desagradeximiento enta yo. Alifonso, soi canso perro de ir de un puesto enta un atro e siempre entre pleitos terrenals que no tienen que veyer cosa con yo. Agora deseyo tornar a ra mía vida anterior t'adedicar-me de tot a os quefers de Dios.


-Querito chirmano Remiro, -li dizió Alifonso dimpués de un breu silencio- nunca no más faltato con a tuya autitut; por contras a tuya leyalta ye sobrebuena. Por ixo, quiero que faigas o que tu creigas que has de fer.

De iste modo, con trenta e un años, Remiro tornaba a ra vida de monche e dica los cuarenta e ueito años, Remiro se quedó en o Monesterio de San Pietro ro Viello de Uesca.

En o monesterio feba os suyos quefers de mosen e a suya gran afizión de o treballo en l'ortal, antimás de fer atras fainas, como a expansión de a cultura, mandar a fer nuevas ilesias, etz. Tamién leyeba asabelo, porque sapeba que o conoximiento lo iba a fer servir cuan plegasen os trepuzes en o futuro.







1134 O suyo azogue se cumple

Os años pasaban. Alifonso teneba esito e rispeto. Remiro desfrutaba de una vida tranquila e ordenata.

Cuan Remiro contaba con cuarenta e ueito años tot continaba igual ta os dos chirmanos, pero el teneba como un quemisió qué por aintro dende feba tiempo. Iste azogue veniba de que Alifonso, que ya pasaba de os sisanta años, continaba sin ereu. Remiro se feba memoria de a conversa que tenió con o bispe Isteban de Uesca en o Monesterio de Sant Ponç de Tomièiras, cuan marchó a dizir-le que podeba estar que el tenese que reinar si fenezese l'actual rei sin aber tenito fillos.


Bien lugo a suya alticamadura se fazió reyalidat. O día 17 de chulio de 1134 pasó un feito nunca no visto: o rei de os aragoneses e pamploneses sofrió a suya primera redota.

Os muros de Fraga estieron testigos de a execuzi3n de gran parti de os suyos exerzitos e de a perda de numbrosos capitans, asinas como de bels personaches de gran importanzia.

O rei Alifonso abandono3 a batalla por orden de o bispe de Urgel. Protexito por sisanta de os suyos millors ombres logró ubrir-se camino, espada en mano, dentre un gran lumero de soldatos almorabides. Zinquanta d'els morieron escontando a o rei, cumplindo asinas con a protezi3n que lis eban ordenato.

De ista traza, Alifonso I privó cayer en manos musulmanas, que o suyo gran premio de a batalla yera pillar a o rei cristiano, vivo u muerto.





1134 Nombramiento de cargos

Manimemos, aunque podió enguiliar a muerte en Fraga, resultó ferito graumén. Os días veniens estió capable de refer os suyos reinos e continó con as suyas obligazions, como a de nombrar nuevos bispes, ya que beluns yeran muertos en aquella batalla.

Alifonso, que permanexeba en o suyo leito asabelo de grieu, mandó avisar a o suyo chirmano Remiro ta que estase con el.

-Querito chirmano, i soi venito antis con antis –li dizió Remiro.

-Querito Remiro, a mía esperenzia en o cambo de batalla ye prou ta saper que istas feritas serás as zagueras que tienga o mío cuerpo maldato –li sansonió o rei mallato.

-No has de pensar de ixa traza, pues ixo ye voluntat de o nuestro Señor. Rezaré cada día demandando-li ta que plantes millor.


-Si belún puede terziar por yo debán de Dios, ixo yes tu, Remiro. T’he feito clamar porque quiero informar-te que he trigato como bispe de Uesca a Arnaldo de Dodón. E a tu te nombraré bispe de Balbastro. Quiero que me prometas cumplir o que tantismas vegatas emos fablato e uei aquí t’he feito memoria.

-Será como tu ordenes, chirmano.

-Vienen tiempos enrevesatos e has d’estar parato. Abrás d’esfender con a tuya vida o reino d’Aragón. Lo me prometes?

-Prometo cumplir tot o que m’has demandato –afirmó Remiro entre glarimas.






1134 Muerte de Alifonso


Remiro feba un poder por assimilar o suyo nuevo cargo de bispe, pero continaba alticamato por cómo plantaba o suyo chirmano Alifonso. De botiboleyo, un mensachero s'azercó ta Roda de Isábena ta dar-li una fatal notizia.

Estió informato de que a esferra de a batalla de Fraga guardaba o suyo zaguer capetulo que, antimás, serba o más triste.

O 7 de setiembre de 1134, a ra edat de 61 años, fenezeba o rei Alifonso I, o Batallero, cuala vida li definirá, con o paso de o tiempo, como uno de os personaches más sinificativos de a istoria d'Aragón e d'España.

De nuevas, o destino paraba nuevos trepuzes a o rezién nombrato bispe de Balbastro e Roda, Remiro Sánchez. Ista vegata abió d'enfrontinar-se a un contornillo que nunca no ese quiesto tener: continuar con a suya vida monacal u reivindicar o suyo dreito lechitimo d'estar rei d'Aragón e Pamplona, sapendo que ista dezisión desobedexeba ras zagueras voluntaz de o suyo chirmano Alifonso.





1134 Aszension ta o trono

Remiro pensó en o que o suyo chirmano li eba dito antis de morir. Determinó de que no se podeban satisfazer as suyas zagueras voluntaz, ya que yeran en contras de o dreito aragonés e tampoco no obedexeban a ras de a sangre. Ístas yeran muito más importans ta la continidat de o suyo linaxe que os deseyos testamentarios de o suyo chirmano. Teneba muito presén que o testamento quereba protexer cualcosa, pero no adubiba entender qué.

A Remiro li se feba difízil veyer-se como rei. Plegaban tiampos enrevesatos, ya que os tronos d'Aragón e Pamplona contaban con varios pretendiens. Antimás, tamién eba de tener en considerazió que o testamento en custión yera sobrebueno ta o Papa Inozenzio II, porque li feba amo de os reinos de una forma direuta.


Capió que anque a suya carrera eclesiastica, a uellos de os suyos iguais, parixeba verdadera, poderba no estar-lo de tot. En espezial, parando cuenta o mandato de no prener abitots mayors emitito por o bispe Isteban de Uesca fa bels años. Por ixo, en bella coronica yera conoxito como «falso e mal monche», porque nunca no plegó a ofiziar como bispe, a penar de estar-lo en diferens puestos.

No sapemos si prenió a dezisió de reinar por voluntat propia u por a presión de a nobleza e o clero, os cualos veyeban menazatos os suyos territorios e privilechios por o singular testamento de o Batallador, que eba ratificato días antis de a suya muerte, por o que otorgaba pleno dreito de poder a ras Ordens de o Templo, o Sepulcro e o Espital.

A ra fin, Remiro determinó de viachar camín-camín a caballo, por lugars, aldeyas e villas de o reino, presentando-se como ro chirmano de o fenezito rei Alifonso. Poco dimpués, en Chaca, s'achuntoron nobles, innobles, caballers venitos de tot Aragón, bispes, abates e tot ro pueblo ta coronar-lo debán de una moltitut como Remiro II, rei d'Aragón.







1134 Un nuevo rei

Ya coronato Remiro como ro zinqueno rei d'Aragón, prenziaba una nueva vida que nunca no ese esmachinato. A más gran alticamadura yera a febleza melitar debán de un posible abanze de as tropas musulmanas, que ya teneban a moral asabelo de altera en saper de a muerte de o suyo enemigo más terrible, o Batalladero, asínas como que sapeban de que o exerzito melitar aragonés en ixos intes yera feble.

O rei Remiro II, con gran formazió cultural, s'inspiró en un libro leyito ta prener una dezisió que a os suyos más zercanos lis parixió una fateza: runir-se con os chenerals que eban venzito a o suyo chirmano Alifonso ta fer un poder por plegar en un alcuerdo de tregua.

En ixa trobata con os gobernadors melitars de Valenzia e Murzia, Pa Abu Bakr e Ali Ibn Ganiya, e dimpués de bellas oras de negociazió, se siñó un pauto ta baxar as armas por un tiempo. Yera prauticamén imposible conseguir aquel trato, pero Remiro sabió aproveitar as suyas millors trazas diplomaticas ta convenzer a os gobernadors.

A ra salita de l'alcuerdo, os señors que li feban compañía se quedoron sin sangre en a pocha en saper o que se bi eba siñato.

-A Santa Providenzia ye estata con nusatros, o mío señor –li dizió ro suyo primo Pietro.

-No ye estata a Santa Providenzia, Pietro, sino o peso de a conzenzia –afirmó Remiro.

-No entiendo pas, o mío señor.


-Si fas cosas de malas trazas, si faltas a ra verdat, si no comples a tuya parola... os rompimientos de capeza no te ferán desfrutar de o esito. A vegatas, a conzenzia qui obra de iste modo, pero continua tenendo un poquet de onor, li fa prener una endrezera encara sapendo que puede no estar o millor ta el.

-Talmén, o mío señor, ista tregua seiga por una falta de onor?

-Piensa-te en lo fablato. Aprende que si siempre fas as cosas con onor nunca no prenerás una mala dezisió.







1134 Alifonso VII en Zaragoza

Con gran templaza e carauter e con muito poco tiempo ta escansar, Remiro se feba, a poquet, con a suya nueva e de tot inesperata condizi3n de rei.

Bi eba barallato cuenta los que dubdaban d'el e de a suya gran responsabilidat e bi eba aconseguito o que parixeba cuasi imposible: una tregua con os musulmans.


Mesmo teneba barra de no fer caso a o Papa, qui li desichiba complir o testamento de o suyo chirmano Alifonso.


Por si estase poco, a finals de aviento, a Remiro li pleg3 una notizia que li dix3 sin sangre en a pocha: o rei emperor castellano, Alifonso VII –fillo de a reina Urraca-, se present3 e preni3, sin a m3s menima presenzia, a plaza de Zaragoza, antim3s de bels lugars zercanos.

S'aproveit3 de que os exerzitos aragoneses yeran baxo menimos, pues yeran estatos redotatos en Fraga feba pocos meses, ta ficar-se en o reino de Zaragoza e apoderar-se d'el.

De iste modo, o emperor apazigu3 a frustazi3n que endur3 en vida de Alifonso I, o Batallero, pensando-se que yera plegato l'inte en o que deng3n no poderba estroncar os suyos deseyos.







1135 Pauto de Vadoluengo

Encara con a puñada de prener Zaragoza de qui yera estato ro fillastro de o suyo chirmano Alifonso, Remiro abió de azeutar a negativa de os señors e bispes de Pamplona de obedexer o testamento de “o Batallero”, por o que eban trigato a Garzía como nuevo monarca de os pamploneses.


Remiro fazió un poder por buscar vías diplomaticas ta salvar ista situazió. En chinero, os dos reis s’achuntoron en l’armita de San Adrián de Vadoluengo, zerca de Sangüesa, en o camino enta Sos. Chunto a els bi yeran os mainates Guillermo e Ximeno Aznares, por parti de Pamplona; asinas como Ferriz de Uesca e o indeseparable primo de o rei, Pietro de Atares, por parti d’Aragón.

En ixa runiún se definieron as buegas, que prauticamén son as mesmas de uei, entre Aragón e Pamplona. Estioron as mesmas que Sancho, o Mayor de Pamplona, bislolo de Remiro, bi eban feito en o suyo inte.

En o mesmo alcuerdo, Garzía refusó a ra suya tenenzia de Monzón, pasando a estar aragonesa. Pero ro más importán de o pauto estió que Garzía se ferba como fillo de Remiro, por o que pasarba a clamar-se Garzía Remírez. En iste rarizo enlace familiar se determinó de que o fillo, que serba vasallo de o pai, gobernarba en os exerzitos e Remiro lo ferba sobre as chens.

Grazias a iste alcuerdo, os reinos d’Aragón e Pamplona continarban chunitos, fendo más zeprén ta poder frenar cualesquier menaza castellanolionesa.





1135 A furia de Remiro

Os trepuzes se multiplicaban ta o nuevo rei d'Aragón. Uno d'els yera que s'eba tallato ro pauto de Vadoluengo por parti de Garzía Remírez, qui azeitó de buen implaz a posesión de Zaragoza a truca de prometer-li vasallache a o emperator Alifonso VII.

Anque no quereba, Remiro abió d'emplegar os tesoros de a ilesia e devaluar a moneda chaquesa, estando iste un problema que s'arrozegaba dende finals de o reinato de o suyo chirmano Alifonso.

Por tot isto, no ye estranio que una colla de nobles determinasen de no fer cumplir a tregua con os musulmans t'asaltar una caravana que marchaba de Fraga ta Uesca, arramplando con tot o cargamento que portiaban os carros.

Remiro no tardó en recullir a quexa por aber tallato l'alcuerto siñato. Estió ro señor de Fraga, Saidben, qui le dizió a o rei o grieu feito. Remiro li prometió trobar a os culpables e tornar o furtato, asinas como fer chustizia. Saidben, tamién informó a os suyos superiors, os cuals sin dandolo enristieron cuenta Mequinenza. De ista traza, ista plaza pasó a estar territorio almorabide, con o que yera un grieu periglo ta ra redolada de o Semontano e Balbastro.

Con ista azión os musulmans fazioron veyer a suya carraña, como yera de dar. Remiro, más encarrañado que pa qué, ordenó clamar a os bispes, abates e priors ta que se presentasen debán d'el en Uesca.

Cuan toz bi yeran, o bispe de Uesca, Arnaldo Dodón, estió ro primero en falar:

-Si me permite, o mío señor, qué ye o que nos fa trayer-bi con tanta prisa?

Ramiró se devantó de o sillón con trazas menazantes.

-Me faltas con a tuya melampería. Ye que no sapez o qué ha pasato? Qué pensaz de los que han tallato o que yo pauté?

-Nomás que vusté puede fer chuizio a los que s'han oposato a o suyo pauto.

-Recuperar tot o que s'ha furtato e tornar-lo a os suyos amos! –ordenó enerchico-. Au de aquí, ya!





1135 A campana de Uesca (a leyenda)

Remiro no dio opzión a garra respuesta cuenta ra o que lis eba encargato. Plantaba asabelo d'encarrañato e se'n fue ta ra suya cambra.

Teneba un grieu problema, ya que parti de os suyos caballers más importans eban tallato a parola de o rei enrestindo aquella caravana.

A leyenda ha feito más gran tot o que pasó en ixos intes. Nos raconta que Remiro ninvió un emisario ta o monesterio de Sant Ponç de Tomièiras ta demandar consello a l'abate. Dimpués d'estar informato de o que pasó, mandó a o emisario ta l'ortal e, sin dizir ni brenca ni meya, talló con una falz as plandas más grans.

-Raconta a o rei o que i veyes –li dizió l'abate sin adibir cosa más.

O castigo yera platero: cualsiquiera que no fese cumplir as ordens serba condenato a muerte. Sapeba que yera menister executar con ixa pena a os traidors. Si teneba bella dubda, a rebelión se ferba más gran e a mormor encara más sobre a febleza ta gobernar.

En meyo de a nuei, Remiro salió de a suya cambra e fazió clamar a toz os que se trobaban en palazio. En ixe mesmo inte mandó redautar a carta ta gazapiar a os siete implicatos en a enrestita cuenta ra caravana.





Con tono bien altero e platero, Remiro nombró a cada uno d'els:

- López Fortuñones de Agüero
- Fortín Galíndez de Huesca
- Martín Galíndez de Ayerbe
- Beltrán de Ejea
- Miguel de Rada de Perarrúa
- Íñigo López de Naval
- Cecodín de Ruesta

Ordenó engarcholar a toz en a fosqueta de palazio dica bi estasen toz, ta dimpués tallar-lis a capeza, ya que ixa yera a manera más onrosa de executar a un noble.


Rematata ra sentenzia e con os traidorencos con a capeza tallata, Remiro fazió clamar a diferens nobles ta que estasen presens a ra ora de o castigo.

-Racontar o que bi ez visto e no olvidetz que no dandaliaré en foter as mías bestias a qui vienga en contras de yo, asinas como en emplegar a mía espada totas as vegatas que seigan menister –lis dizió Remiro bien encarato.

Iste feito, estando ro más popular d'Aragón e uno de os más importans d'España, estió denominato como «A campana de Uesca» e levato a o teyatro por Lope de Vega.







1135 En busca de protección

L'any remataba e marchaba pior que mal. Remiro teneba ra oposizi3n de parti de a nobleza por a pena de muerte que eba feito executar a os nobles traidorencos. Antim3s, o Papa no lo azeitaba como rei, ya que quereba que se fese cumplir o testamento de Alifonso I, o Batallero, en benefizio de as ordens de Cherusal3n.

Como buen aragon3s, Remiro no reblaba, aunque bels nobles li feban a mofla por no saper guaire de l'arte caballerenco. Tal ye o causo de a veni3n leyenda que encara uei se puede sentir: *«Estando ro rei muntato a caballo, una colla de nobles li metieron o escudo en posizi3n de armas en o brazo cucho e en o dreito lo s'armoron con a espada. Quereban que agafase as riendas de o caballo con a mano dreita, entremistando se sentiba bel esmelique por no poder fer-lo. Allora, Remiro lis orden3, con voz de mando, que lis s'ha metesen en a boca. De ista traza, se fic3 en o m3s fundo de a batalla e consigui3 venzer a os suyos enemigos».*

En ixos intes difizils ta Remiro, en os que se crey3 que iba a morir, esti3 consellato por una colla de nobles, entre els o suyo primo Pietro de Atares. Determinoron d'endrezar-sen ta Besal3 en busca de a protezi3n de Ram3n Berenguer IV, conde de Barzelona.


O conde asperaba a o rei d'Arag3n en a torre de o puen que feba de dentrata a Besal3.


-Soi muito agradexito de a vuestra acullita dimpu3s de salir ascape d'Arag3n –li dizi3 Remiro-. Deseyo que ista seiga una trobata de alianza e leyaltat, fendo olvidar o nuestro pasato de desamistanza entre as nuestras redoladas.

-Asinas lo deseyo yo tami3n.

De ista forma, Remiro se cubill3 en Besal3 con as personas de a suya confitanza. All3, fazioron un poder por buscar formulas ta refer-se de a crisis en a que se trobaba Arag3n.







1135 O casorio, a solución

A millor opción t'apañar toz os problemas yera asabelo de platera ta os suyos consellers, pero fosca ta o rei, ya que plegoron a ra conclusión de que un casorio reyal yera ra millor solución e asinas poderba asegurar a suya suzesión. Por ixa razón, una colla de señors autorizados marchoron ta terras aquitanas.

Ta Remiro estió muito difizil assimilar tantismos cambeos. No cal olvidar que el yera un monche e, por ista razón, cal pensar en o complexo de tarabidar ziertas dezisions ta salvar tot o que anteriormén eban feito os suyos e que uei conoxemos como Aragón.

Remiro paró cuenta de que a primera piedra firme ta salvar o reino d'Aragón serba fer casorio. A ra suya edat no se podeba permitir prebatinas ni tampoco no podeba inamorar-se.

La trigata ta estar a suya muller estió Inés de Poitiers, vidua e con tres fillos varons, pertenezén a una familia de aristocrazia amiga. Yera filla de Guillermo d'Aquitania, aliyato d'Aragón con Alifonso I, o Batallero. Antimás, o chirmano gran de Remiro, o rei Pietro I, estió acomodato con una tía de Inés de o mesmo nombre.

As dos casas confirmoron o casorio, que se ferba alto u baxo sobre a metat de noviembre en a catedral de Chaca e que chunirba en santo matrimonio a Remiro e Inés, de 49 e 30 años d'edat respetivamén.


Plegato ro gran día e dimpués de a ziremonia, a ra salita de os rezién acomodatos de a catedral, se i troboron con a chen de Chaca e de otros lugares que los asperaban chilando os suyos nombres. Os alparzers plenaban tota ra plaza t'alufrar tan importán acontezimiento, como yera un casorio reyal.

-Remiro! Viva Remiro! Viva Inés! –chilaba ra chen.

Manimenos, os protagonistas de o casorio, o rei Remiro e a reina consorte Inés, no parixeban tener guaire entusiasmo con a suya chunión. Yera de dar que a boda yera solo que por conveniencia, por o que denguno de os dos no plantaba con goyosidat.







1136 Rebelión en Uncastiello

Ya acomodatos Remiro e Inés e contando con a casa d'Aquitania como aliata, as carrañas en cuenta de o rei d'Aragón yeran cada vegata más vivas.

Por un costato, o Papa Inozenzio II no almitiba ixé casorio, pero Remiro tornaba a no fer caso a o Santo Pontifize. Por atro cabo, as rebelions continaban surtindo en a suya cuenta, ya que a devaluación de os diners Chaqueses, asinas como a pena capetal imposata a os enrestidors de a caravana de Fraga, yeran dos feitos que no li favorexeban.

Manimenos, as moflas e as faltadas que li feban, como «fray tregua» u «o rei cogulla», s'esbaforon de vez que se prenzipiaba a alufrar o carauter soberano e duro de Remiro.

Pero siempre bi eba belún presto a fer trepuzes en o suyo mandato. Ista vegata estió a suya prima Talesa d'Aragón, vizcondesa e vidua de Gastón de Bearn.


Talesa s'eba amanato a o rei de Pamplona, Garzía Remírez, e ordenó a o suyo tenente de a villa de Uncastiello, Arnaldo de Lescun, de orichen bearnés, que no dixase pasar por as puertas de a villa a o rei d'Aragón.

A chen de Uncastiello no azeutoron ista dezisión e, con gran valura e espritu aragonés, fendo onor a o suyo rei Remiro II, se devantoron en armas cuenta o tenente de a villa, que s'eba amagato en o castiello. Dimpúes de fuertes luitas dixoron as puertas bataleras ta que i dentrase o señor de os aragoneses.

-Ye una onor tener-li entre nusatros –li dizió un ombretón de a villa a os piez de o suyo caballo.

-A onor ye de yo por estar debán de tan valiens subditos, que no han dandaliato en meter en risque a suya vida ta fer onra a o rei de os aragoneses. Por ixo, aquí e en iste mesmo inte, siñaré unos privilechios ta ista leyal villa. Asinasmesmo, feré una donación ta que prenzipien as nuevas obras en la antigua ilesia mozarabe de Santa María –lis comunicó dende o suyo caballo.





1136 Pauto entre Remiro e Alifonso de Castiella

Poco tiempo dimpués, Inés quedó embrazata e Remiro capió que contaba con una moneda en a mano, en forma de futuro ereu, con la que podeba continuar aintro de a partita. Ya que bien lugo tenerba cualcosa ta poder chugar.

Por atro costato, o rei quereba dixer platero, debán de os uellos de os suyos vasallos e debán de os de Dios, que o suyo casorio yera estato simplamén por nezesidat imperiosa. O matrimonio s'esferba una vegata que tenese un suzesor ta o reino e ta ra continidat de o linaxe.

Asinas pues, dimpués de a naxenzia de o suzesor, o rei Remiro II e a suya muller Inés de Poitiers s'esburzioron. Ella marcharba de tornata ta ras suyas tierras de Aquitania, tenendo que dixer a o suyo ereu rezién naxito en a Corte aragonesa.


Lugo Remiro prenzipió a tener zerqueta a o emperator castellano, Alifonso VII, que quereba casorio con belún de os suyos fillos u fillas con o que iba a estar, a o suya nazenzia, o prenzipe u prinzesa d'Aragón. A nobleza aragonesa lis encarrañaba ista proposa porque s'entrefilaban que Castiella exerzese una supremazía.

Grazias a ra suya luenga formazión eclesiastica, Remiro tenió asabelo de diplomazia e gran sapienzia ta o suyos intereses. Yera platero que ta espardir o reino amenistaba prener Zaragoza, que en ixte inte yera en propiedat de o rei de Pamplona. Entre que aguardaba bella airera favorable, Remiro se dixó querer por Alifonso VII dica que consiguió, en o pauto d'Alagón, a capetal de a val de l'Ebro, Zaragoza.

De iste modo, dixó enclutato a Garzía Remírez, por o que no podeba expansionar-se por garra puesto.







1136 Naxenzia de Petronila

A ra fin plegó ro día tan deseiyato en o que Remiro poderba tener o suyo deszendién. O rei plantaba muito niervudo , pues con cuasi zinquanta años yera primirencu en o tema de paternidat. No dixaba de rezar ta que no bi ese garra trepuz e li demandaba a Dios que o ninón, que lugo plegarba en iste mundo, estase un varón sano e fuerte, pero Dios no fazió caso de as suyas rogarias e li conzedió una ninona que plantó bien fuerte.

O día 11 de agosto de 1136 yera naxita en Uesca a prinzesa Petronila. Se trigó ixe nombre porque o suyo lolo Sancho Remírez, eba viachato ta Roma, feba bels años, ta vesitar a o Papa Alexandro, que li ofrexíó vasallache. Prenendo, dende ixe inte, o nombre de Pietro, ta o primochenito de os reis d'Aragón. En iste causo, a suya varián femenina, Petronila.

Anque yera una muller, a rezién naxita salvaba a dinastía de os reis d'Aragón e se convertiba en a segunda piedra impreszindible, dimpués de o casorio de os suyos país, ta continuar a estirpe de os Sánchez.


Remiro ordenó bandiar totas as campanas de o reino ta nunziar a naxedura de a nueva eredera de a corona, aunque en estar muller teneba consecuenzias suzesorias, ya que o dreito aragonés no contempolaba ra posibilidat de gobernar a una muller.

Con gran argüello, fazió gritar a os nobles e os clerigos más zercanos ta que marchasen a conoxer a Petronila. A lo que bi estieron toz presens, lis presentó a ra suya eredera, Petronila, que la teneba a embrazos.

-Con o naximiento de a mía filla, Petronila, remato con a restaurazió de a sangre e estirpe de os míos, que estieron igual como yo, señors de toz vusatros e de os vuestros debampasatos –lis informó dimpués de fer-lis prometer fidelidat a ra suya filla.







1137 Viache a ras Zinco Villas

O nuevo rei d'Aragón Remiro II, o Monche, levaba poco más de tres años reinando, pero li parixeba levar tota una vida por a gran cantidat de trepuzes que li eban feito negociar con toz os reinos e condatos vezinos: musulmans, castellanos, pamploneses, barzeloneses e aquitanos.

Por atro cabo, o rei de Pamplona, García Remírez, eba declarato a guerra a Remiro II, o Monche, porque no yera conforme con que Zaragoza estase de nuevas aragonesa. Por ixo, en mayo de 1137, Remiro determinó de fer un viache a ra buega con Pamplona, cruzando as Zinco Villas.

En rayar l'alba, en Tauste, alertó a ras guarnizions e fazió conversa con o suyo tenente, comunicando-li que lugo iba a dar-li un nuevo fuero de poblazón. A primera ora de o maitín, en Exeya, s'achuntó con o prior de a orden melitar Selva Mayor e con o suyo primo Pietro de Atarés, señor de a villa.


A continazón marchó ta Sadaba, an i plegó en as primeras oras de a tardi. Aquí ordenó acotraziar o castiello ta un luengo ataque. Antimás, concertó con o tenente de Biota, que l'alvirtió d'estar parato ta dar auxilio si estase menister. Con o lusco, en Uncastiello li asperaba o suyo tenente Frontín. O rei remeró recosiros de uno de os suyos intes más difizils como rei: a negativa de a suya dentrata en ista villa.

De nueis plegó en a villa de Sos. O rei, mallato, marchó a escansar. Con as cantas de o gallo, almorzó acompañato por os tenentes de Sos e de Ruesta. Dimpués, puyó ta os piez de o castiello que o suyo chirmano Alifonso eba ordenato construyir e ordenó enfortir-lo ascape. Ta ixo fazió clamar a Jordán, mayestro piquero, ordenando-li que lo fese más rapedo que o zierzo.

Sin más tiempo, Remiro alvirtió a ras suyas tropas de tiampos foscas e enrevesatos e marchó ta Balbastro.









1137 Casorios

Dimpués de un viache por as Zinco Villas escamallato e ya en a villa de Balbastro, Remiro se trepuzó con una gran colla de señors d'Aragón, Sobrarbe e Ribagorza. Estió en ixé inte cuan acordó fer casar a ra suya filla, a prinzesa Petronila, de un año d'edat, con qui yera conde de Barzelona, Ramón Berenguer IV.


S'establió a calendata ta o casorio cuan cumplise os 14 años, ya que ixa yera ra edat menima permitita canonicamén ta poder acomodar-se. Ista dezisión cuacaba en os territorios reyals porque entendeban que con ixé casorio aberba una independenzia de a manipoliadera Castiella.

Remiro ufrió a o conde o gobierno de toz os suyos dominios en o suyo nombre a truca de obedexenzia, leyltat e vasallache. Manimenos, li viedó vender o reino e li desichió no fer malas practicas. Antimás, dixó platero que el continarba estando o rei dica ra fin de os suyos días, tal e como li otorgaba a suya condiziún unica e a suya sangre. Sobre a suya filla, solo serba que reina a ra suya muerte e tresladarba iste dreito a os fillos que tenese con o suyo futuro ombre, prevalezendo o primochenito.

Creyemos que, aunque entrecurtato, se leiga o documento siñado en Balbastro en agosto de 1137, por o que o rei Remiro entregaba a ra suya filla Petronila a o conde barzelonés: «Yo, Remiro... doi a tu, Ramón... a mía filla como muller e con tota integritat o reino de os aragoneses... de ista forma... que si a mía filla fenezese, sobrevivindo-li tu, a donaziún de o predito reino libre que tiengas, sin garra privaziún, dimpués de a mía muerte... E yo predito Remiro seiga rei, señor e pai en o debandito reino e en toz os suyos condatos, entre que plazca». E asinas estió. E a o rei monche li salió bien a chugata.

En os meses veniens, convocó una runiún en Ayerbe con os señors de o reino. Lis ratificó o suyo deseyo de desapareixer de a primera ringlera de o gobierno de o reino, querendo tornar ascape ta o Monesterio de San Pietro ro Viello de Uesca.





1138 Fuero de Tauste

En abril de 1138, con 52 años d'edat, o rei Remiro se troba con o suyo choven o conde de Barzelona, Ramón Berenguer IV, en a villa d'Alagón, an siñó a carta de privilechios ta varios lugars.

Una de ixas estió Tauste, que fazió menzió espezial por a suya condizió estratechica de buega con o reino vezino de Pamplona. Determinó d'enfortir ista plaza por as enrestitas de contino de o rei de Pamplona, Garzía Remírez.

-Ramón, quiero enfortir e fer cumplir con un nuevo fuero en a villa de Tauste –li comentó ro rei a o suyo choven.

-Se ferá como ordenez, o mío señor.

-No quiero garra risque. Ye una plaza estratechica e m'interesa que a buega plegue por o norte dica Exeya, ta o sur dica o Castelar, ta l'ueste cuenta ra Bardena e ta l'este cuenta os mons de Castillón. Ye una buena clau ta plegar en puestos buenos, como son as salinas.


-Ye una dezisió asabelo d'enzertata, o mío señor. Ordinaré redautar o nuevo privilechio –dizió Ramón Berenguer IV.

-No olvides ratificar a o suyo mesmo tenente e fer-li memoria, como ya li dizié en o pasato viache en Tauste, que li darba un nuevo fuero e o rei d'Aragón siempre cumple a suya parola.

-No l'olvidaré, o mío señor –asintió ro conde.







1140-1143 Diferencias de o Reino

En o tiempo en que Remiro dio a rechenzia de o suyo reino a o suyo choven, Ramón Berenguer IV, i pasoron cosas muito importans.

Aragón yera en luita de continuo cuenta Pamplona. O rei de os pamploneses, Garzía Remírez, enrestiba cualesquier zona de a buega con Aragón. Tan lugo yera en Chaca, como baxaba ta Tauste. Dimpués enrestiba Sos, retaculaba dica Exeya e dimpués marchaba ta Tarazona.

A do no podeba plegar, por estar asabelo de luen, yera en Monzón. Talmén ixa yera ra delera que teneba e que li feba estar tan autivo e batallero.


O rei Remiro II yera informato de totas as novedaz que pasaban en o reino, por o conde Ramón, que feba como prenzipe d'Aragón, seguntes l'alcuerdo pautato.

En istos años li comunicó que villas como Daroca, Sariñena e Alcoleya tornaban a estar d'Aragón. Tamién notificó que en Exeya abió una batalla entre os exerzitos aragoneses e pamploneses, en a que ganoron os aragoneses, por o que o rei de Pamplona abió de retacular ta os suyos dominios e se podió prener Sos, Tauste e Tarazona ta o bando aragonés.

Atra notizia que li fazió plegar estió que eba plegato a terminos definitivos con as ordens de o Templo, o Sepulcro e o Espital, rematando asinas en firme o problematico testamento de o suyo chirmano Alifonso, quedando pendiens de recullir en cualesquier inte a ratificazió de os alcuerdos con a deseiyata bula papal.







1143-1147 Vesita a o rei en Nozito

Un día cualsiquiera, Ramón Berenguer IV, que se trobaba en Uesca, s'azercó ta o Monesterio de San Pietro ro Viello t'achuntar-se con o rei.

En ixé puesto l'informoron que eba marchato ta Nozito bels días antis ta partizipar en una cazata. O conde no lo se pensó e se'n fue a escar-lo, pues tamién li feba goyo a caza e pensó que serba un buen momento ta compartir con o suyo amo.

Dimpués de bels días de viache, Ramón plegó en Nozito e se i trobó con Remiro. Os dos se dioron un fuerte abrazo e quedoron ta salir de cazata a o maitín venién. En rayar l'alba i salieron o rei, o conde e os suyos moners. A lo que remató ro maitín, cuan se determinó de que ya eban rematato a cazata, con muita poca suarde, os dos se metieron a fer conversa muntatos a caballo.


-Cada día me se fa más difízil muntar –li dizió ro rei endolorito-. Ramón, veigo l'alticamadura en a tuya cara. Qué fas aquí? –li preguntó.

-O mío señor, maitín en rayar l'alba marcharé ta Uesca ta chunir-me a os exerzitos an son totas as fuerzas conzentratas. En o camino m'aguardan as mías tropas chunto con las de o conde de Urgel. Como vos espliqué en a mía zaguera carta, a mía intinzió, baxo ro señal de o señor d'Aragón, ye zercar Tolosa, Leida e Fraga. Por ixo me ferba goyo que me dase a suya santa bendizió antis de partir ta ras batallas.

Remiro, en ixé mismo inte, trasmetió a suya bendizió a o conde debuxando en l'aire, debán d'el, un amplo simbolo de a cruz con a mano dreita.







1150 Casorio de Petronila con Ramón Berenguer IV

A o cabo e a ra fin, como diz un refrán «si se vive, a tot se plega», anque seiga cualcosa que pueda parixer muito luen. Con ya 14 años, edat menima ta poder acomodar-se, a prinzesa Petronila iba a zilebrar o suyo casorio con Ramón Berenguer IV, bels años más gran que ella.

Ya eban pasato treze años dende que s'alcordó ro suyo casorio en 1137. En ixe tiampo a prinzesa Petronila la educoron con asabelo de disziplina ta estar reina. Remiro, su pai, li daba ferrete ta que minchase de un modo saludable, igual como lo feba el. La cudiaban de manera sobrebuena, pues yera filla unica e cualsiquier disgrazia que ese puesto sufrir aberba meso en periglo a continidat de a suya dinastía.


En agosto de 1150, a prinzesa d'Aragón e Ramón Berenguer IV, conde de Barzelona, s'acomodoron. O puesto trigato ta ra boda estió l'alcazaba musulmana de Leida, presa l'año de antis por tropas aragonesas, barzelonesas e de o condato de Urgel.

Leida yera o millor puesto ta zilebrar o casorio por a suya situazón, en metat de o camino entre os territorios aragoneses e barzeloneses, fendo asinas más fázil que os convidatos i plegasen de a forma más comoda.

Bi arriboron as personas más importans de o reino d'Aragón e de o condato de Barzelona, chunto con diferens miembros de casas peninsulars e de l'atro costato de os Pirineus.







1152 Naxedura de o nuevo ereu

Ya feba deziueito años dende que Remiro estiό coronato en Chaca como ro zinqueno rei d'Aragón e bi eban pasato asabelo de cosas.

A chuntura d'Aragón e Barzelona parixeba aber consolidato as dos casas. En aquel año de 1152 ixa chuniόn iba a estar más fuerte con a naxedura de un ereu en a ziudat de Uesca, que li clamarban Pietro, en onor e vasallache a Roma, dixando platero con ixe nombre que Aragón nomás respondeba que debán de o Papa. Manimenos, pasará a ra istoria con o nombre de Alifonso II, o Casto.

A notizia de a naxedura de un varón ta o reino, plegó ascape dica o rei Remiro, que li fazió asabelo de goyo, ya que toz os suyos esfuerzos e sacrificios tenieron recompensa con a plegata en iste mundo de ixe nino. As suyas orazions, a ra fin, yeran estatas escuitatas.

Remiro II, o Monche, más goyoso que pa qué e, aunque ya li feban mal muitas partis de o suyo cuerpo por a viellera, ordenó que lo levasen ta o palazio reyal. Quereba trobar-se-bi con a suya filla e o suyo choben, e conoxer a o nuevo miembro de a familia que feba continuar a casa d'Aragón. Remiro, sin que li vagasen d'estar pregonato, se presentó de botiboleyo en a cambra de Petronila, an tamién bi yeran o conde Ramón e as comais.


-Pai! Cuantismo goyo veyer-li por aquí –esclamó Petronila.


-De seguras que ye o mesmo que yo siento por veyer-vos, querita filla. Norabuena a tu tamién, Ramón, por o vuestro fillo e nieto mío, que da continidat a o reino.

-Culle a o tuyo nieto, pai. Nos ferba goyo que lo bendigas ta que plante asabelo de fuerte.

Con gran goyo, Remiro bendizió de muitismo buen implaz a tan importán miembro de a familia.







1157 Cumpleaños de Remiro

O día 24 de abril de 1157, con a enchaquia de o cumpleaños de o rei, que feba 71 años, bandioron con rasmia ras campanas de Uesca e de o reino ta nunziar ixé día tan señalato.

O rei, ya muito viello e con asabelas de laquias, se trobaba rezando en a capiella de San Bartolomé, a parti más viella de San Pietro ro Viello, cuan un monche li fazió saper que teneba ra vesita de a suya filla, a prinzesa Petronila, chunto a o suyo fillo e marito.

En que remató ros rezos, Remiro se trobó con a suya familia en a entrada de a capiella. Toz s'enclinatoron debán de a suya presencia.

-Bienvenitos! Racontar-me, qué cosa ista vesita? –lis preguntó refitolero.

-O mío señor –respondió Petronila-, i semos venitos ta felizitar-vos o cumpleaños. O suyo nieto, Pietro, li traye un presén e o mío marido quiere fablar-li de bels quefers de interés ta o reino.

O lolo fazió una rialleta en veyer a o nino como li entregaba o suyo presén.


-Cuántas remeranzas me traye o tuyo nombre, como ro de o mío chirmano! –esclamó-. Valura, leyaltat e más que más, no l'olvides, chiquet Pietro, onor.

-Ixa ye a razón por a que a estirpe d'Aragón continuará con o nombre de Pietro –confirmó ro conde.

-Vos onra que aigaz trigato iste nombre. De cualsiquier traza, ya sabez que si continan as negociacions ta o suyo casorio con a infanta castellana caldrá cambear o suyo nombre por Alifonso ta cumplir con a tradición. –Fazió una breu pausa t'alentar-. Yo ya cumplí con o mío sacrificio en vida. Pocos son os días que me quedan ya en ista vida, filla mía. Dios m'ha permitito veyer a o mio nieto Pietro, que ferá que contine a nuestra sangre. Agora vos toca a vusatros luitar por iste legato. En cuanto a yo, garra cosa ni dengún no podrá rezagar a mía trobata con qui soi estato buscando tota ra vida. Si me desculpaz, planto una miqueta canso. Me'n voi a escansar.







1157 Muerte de rei

Remiro II, o Monche, que teneba ya 71 años, más de o normal ta o que yera a meya de vida en ixos tiempos, s'amortaba poquet a poquet.

Sofriba de una coxera que no li feba fer muitas de as autividaz, aunque con l'aduya de otros monches podeba caminar.

Feba ya bel tiampo que no feba atención a l'ortal e no li aganaba de salir de viache ni sisquiera ir de cazata. A lo que sí que iba toz os días yera con a obligazón de cumplir orazión, cuasi siempre en a capiella de San Bartolomé.

O 16 de agosto de 1157, Remiro Sánchez, conoxito como Remiro II, o Monche, rei d'Aragón, dixaba iste mundo de os vivos con a conzenzia tranquila por aber salvato ro legato d'Aragón e con ixo a estirpe reyal.

Dica o monesterio de San Pietro ro Viello, puesto an se fazió ro entierro, i plegoron ta despedir-lo a suya filla, agora ra reina Petronila d'Aragón, o suyo marido Ramón Berenguer IV conde de Barzelona e o suyo nieto ro prenzipe Pietro, asinas como toz os nobles d'Aragón.

Toz rendieron respeto e omenache a o señor que sabió mantener a onor de os aragoneses.





Un gran rei desconoxito

En pasar o tiampo nos permite alufrar o imprevisible e conzietero que a vegatas se nos amuestra o destino. Uei gosamos emplegar a ormino una frase, «A reyalidat siempre blinca a ra fiziión». A vida de o personache que amostramos en iste bio-cuento, ye un exemplo platero, de o imprevisible de o destino e de cómo una vida reyal blinca en interés a ra fiziión más elaborata. Fablamos de Remiro II, o Monche, rei d'Aragón.

En a ringlera de suzesión a o trono d'Aragón e Pamplona bi eba miembros millor posizionatos, como ro prenzipe Pietro, que serba Pietro I, os suyos fillos, Pietro e Inés, Alifonso, que con o tiampo li conoxeremos como ro Batallero, e en zagueras Remiro, chirmano e tío de os debanditos. Poquetas yeran as suyas posibilidaz, pero o destino chugó ta levar-lo an dengún no lo ese esmachinato: debán de o Gubierno d'Aragón, como rei.

Remiro estió rei por zercunstanziyas que en ixa epoca yeran normals. En l'año 1094 su pai, o rei Sancho Remírez, murió por una sayeta en una inspeziión de a muralla de Uesca. En 1104, o suyo chirmano Pietro fenezió de camino ta ra val d'Arán. Os suyos fillos, Inés e Pietro yeran muertos en vida de su pai. En zagueras, en l'año 1134 Alifonso, dimpués de años guerriando e fendo istoria por as suyas fetas amplando o suyos territorios, como dengún atro rei cristiano, moriba en estar ferito en batalla.

Dimpués de a muerte de o suyo chirmano Alifonso, Remiro yera o millor posizionato ta estar rei de aragoneses e pamploneses. Yera presto ta salvar o reino que, dimpués de a muerte de o Batallero, se creba por momentos. En ista nueva etapa, no bi'n ha grans fetas, ni rilatos de caballers. Solo con que Remiro estase agudo, inchenioso e peligarzero, ta poder conservar o legato de os suyos.

No bi ha dubda que asinas estió. Os años que emplegó estudiando li fazieron buena onra ta enfrontinar-se a ra crisis en a que se trobaba Aragón. No tenemos garra dubda de que l'Aragón que uei conoxemos, li'n debemos en parti a el. A suyas dezisions e pautos fazieron que Aragón seiga uei Aragón, que poderba aber esaparexito.

Nunca no sabremos si querió estar rei u, estió empentato por otros, poderbanos espicular-ne, pero ye platero que o suyo pensamiento no ye replegato en garra documento u corónica, a suyas azions, sí. En ixas podemos basar-nos.

Remiro estió rei por sangre e por dreito dica que morió en 1157, pero podemos dizir que tenió un reinato de gubierno direuto de poco más de tres años (1134-1137). Querendo u no partizipar en dezisions d'estato, cudió ro reino e demandó cualsiquier mena de esplicaziión a o suyo choven, o conde de Barzelona, Ramón Berenguer IV.

En tan poco tiempo fazió muito por Aragón. No remeramos biografía de otros reis e de otros puestos, que en tan breu espacio de tiempo aigan feito azions de gobierno tan positivas e con tanta capabilidad de sacrificio e con plenas facultaz ta refusar a o suyo gobierno direuto.

Faigamos un rapedo repaso a o que estió ro suyo reinato ta tener viva su azión:

- Dixó ros abitos ta fer-se rei, no fendo caso a o testamento de o suyo chirmano Alifonso.
- Retó con a suyas dezisions a o Papa, no fendo caso de a suyas ordens.
- Siñó una tregua con os gobernadors musulmans, que en primeras parixeba imposible.
- Pautó con o nuevo rei de Pamplona, Garzía Remírez, un compromís de profillamién, por o cual Remiro serba o pai e Garzía o suyo fillo.
- Sofrió una rebelión de a nobleza, que fazió fren con dezisión e determinazió.
- Marchó d'Aragón, porque a suya vida yera en risque.
- Prenió a dezisión de fer casorio con Inés de Poitiers (primera piedra de consolidazió de o reino).
- Apeitó una segunda rebelión, cuala enemiga estió a suya prima Talesa d'Aragón, vidua de Gastón de Bearn.
- Dio una eredera a o reino clamata Petronila, e ixo dio continidat a Aragón, estando ise feito a segunda piedra de consolidazió en os alavez de o reino d'Aragón.
- Pautó con o emperator castellano a torna de Zaragoza e asinas continuar con a reconquista enta o sur.
- Casó a ra suya filla con o conde de Barzelona.
- Antimás, li vagó de conzeder donazions, fueros e privilechios.

Chuzgar vusatros mesmos si iste aragonés, ilustre an los aiga, no se merexe más relevanzia e conoximiento de as suyas obras en colechios, estitutos e bibliotecas, como rei d'Aragón Remiro Sánchez, conoxito como Remiro II, o Monche.

Continará...



Aragón e as súas reinas

Retaculemos cuasi 1000 años entazaga, en un mundo de fetas, caballers, batallas, conquistas... un mundo dominato por os ombres. Caballeros de Exea, en o nuestro esfuerzo por meter a istoria d'Aragón en valura, no queremos olvidar-nos de o papel tan importán de as reinas, que se ganoron por dreito propio, ya que estieron mullers de gran importancia ta o desembolique de o reino.

A muerte de Alifonso I estió acompañata de un testamento complexo que, chunto a ra falta de un ereu ta o trono –pues no tenió garra deszendién-, dixoron a o reino d'Aragón en una situazón cretica dimpués de 99 años de esistencia. No podemos entender a resolución a ixa crisis sin o compromís de tres mullers que estieron esenzials en a vida de Remiro II.

Felizia de Roucy, su mai, ya teneba dos fillos propios fruto de o suyo matrimonio con o rei Sancho Remírez: Fernando (naxito en 1071) e Alifonso (naxito en 1073); manimenos, prenió a dezisión de tener un terzer deszendién. Íste estió Remiro, que estió naxito en 1086, chusto ro mesmo año en o que fenezíó ro suyo chirmano Fernando. Ista confinanza nos fa pensar en o motivo que abió de tener Felizia ta tornar a librar treze años dimpués de o suyo zaguer fillo. Consideramos que Fernando eba de tener bella malotía e no se creyeba que sobrevivise, en ixe caso se quedarba Alifonso como unico fillo, estando ista una zercunstanzia impensable ta una reina de ixos tiampos. Si el tamién fenezese, cosa que dengún no meterba ra mano aintro de o fuego, porque teneba edat ta ficar-se en batallas, ella se quedarba con a gran frustrazón de plegar en a muerte sin aber aconseguito dixer linaxe de a suya mesma sangre.

Podemos dizir que a suya determinazón estió un auto de gobierno, porque sin ella no ese esistito Remiro ni, en consecuencia, aberba continato a dinastía de os Sánchez por muitos años. Asinasmemo, contrimostro a suya gosadía cuan





resolvió protexer-lo en un monesterio, pero desichió que no solo estase instruyito en o culto e a orazi3n, sino que tami3n lo estase en as artes caballerencas. Ye de dar, que a suya determinazi3n esti3 cruzial ta salvaguardar a suya estirpe, resultando que, de iste modo, tami3n propizi3 a salvazi3n ta ra continidat de o reino d'Arag3n.

A segunda muller, que colabor3 en a persistenzia de o reino, esti3 **In3s de Poitiers**. Estando vidua e con tres fillos queri3 estar a muller de Remiro II, grazias a ra buena rilazi3n entre as dos familias, con o firme e unico proposito de dar-li un ereu. Sapeba que serba alpartata a un segundo plano en que cumplise con a misi3n ta la que yera estata ninviata ta o costato de Remiro, pero sabi3 mirar-se enta deb3n e remirar-se en dar un suzesor ta o suyo nuevo ombre.

De ista chuntura naxerba **Petronila S3nchez**, a unica reina lechitima que ha tenito ro reino d'Arag3n, fendo posible a continidat dinastica, que parixeba que yera plegando a ra suya fin. Antim3s, sabi3 estar en tot inte a ra altaria de as zercunstanzias. Podemos mencionar os suyos logros, que no estioron pocos, pero ista istoria la racontaremos en o suyo bio-cuento.

De ista manera, en un mundo de ombres, istas tres mullers estioron dezisivas en a vida de Remiro II: su mai, a suya muller e a suya filla, ya que estioron empentadoras de a vida e, sin ellas, serba atra istoria la que ten3senos que racontar.





Capiella de San Bartolomé (Pantión Reyál) en o monesterio de San Pietro ro Viello, an escansan os repuis mortals de Remiro II (cucha) e Alifonso I (dreita).

Nunca no li s'olvidará.

Iste puesto ye o suyo aquí presén se troba e el.

Os cados nos fan memoria e remerarán qui estió el.

*A vida vendrá e de a mesma forma se'n irá; otros i vendrán, que
como a vida mesma en marcharán.*

*Muros, capitels e capiellas a vusté ricordarán. En ista e en atras
vidas que viengan, aquí nunca no s'olvidará.*

Caballeros de Exea

Bibliografía

- **Ubieto Arteta, Antonio, La Campana de Huesca, Col. Alcorces. Tema Aragonés, 4, pags 24, Ed. Anubar Ediciones, 1979.**
- **Ubieto Arteta, Agustín, Los Reyes de Aragón, Col. Mariano Pano y Ruata, pags. 51-58,1993 Zaragoza.**
- **Ubieto Arteta, Agustín, Leyendas para una historia paralela del Aragón medieval, Instituto “Fernando el Católico”, 2ª Edición 2010, 434 pags., 2010 Zaragoza.**



ISBN 978-84-09-06844-9



ISBN 978-84-09-07452-5



ISBN 978-84-09-15727-3



Caballeros de Exea 2019

NAVARRA

Sos de o Rei Catolico
1117-1134 Tornata a ra vida monacal
1137 Viache a ras Zinco Villas

Sadaba ●
Uncastello ●
1136 Rebelión en Uncastello

Exeya de os Caballers ●
1143 Batalla d'Exeya
cuenta Garzía Remírez

● Tauste

Alagón ●
1136 Pauto entre Ramiro e Alifonso de Castiella
1138 Fuero de Tauste
● Zaragoza
1134 Alifonso VII en Zaragoza

● Espital Santa Cristina de Somport
1093 Entregato a ra vida monacal

1086 Naxedura ●
1134 Aszensión ta o trono
1135 O Casorio ● Chaca

Monesterio San Chuan de a Peña
1092 A promesa

Nozito ●
1143-1147 Vesita a o rei en Nozito

Uesca ●
1135 A campana de Uesca
1136 Naxedura de Petronila
1152 Naxedura de o ereu
1157 Cumpleaños deo rei
1157 Muerte de Ramiro

ARAGÓN

Roda de Isabena ●
1134 Confirmación de
a muerte de Alifonso

● Balbastro
1137 Esponsalizios

Monzón ●
1110 A retrobata

1134 Un nuevo rei ●
Pauto con os musulmans

— Buega entre I 1135 e V 1135


— Buega autual

Tratato de Vadoluengo de chinero de 1135





A crisis territorial de 1135



XCAR
MALAVIDA

